



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/01-05-38844-13/19 KB
Sarajevo, 11.11.2019.godine

SKUPŠTINA KANTONA SARAJEVO

N/r: **Predsjedavajući Skupštine**

- Ovdje -

Predmet: Odgovor na zastupničko pitanje zastupnika Elvis Vreto – dostavlja se

Zastupnik **Elvis Vreto** na 14. Radnoj sjednici Skupštine Kantona Sarajevo, održanoj dana 30.11.2019.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavio je **zastupničko pitanje „kada će se izvršiti prijem i preuzeti upravljanje nad izgrađenom vodovodnom mrežom Nahorevo, Nahorevska brda, Muharemovići i Selja koju realizira Općina Centar?“**

Obrazloženje

Općina Centar je finansirala prvu fazu izgradnje vodovoda za vodosnadbijevanje navedenih naselja sa izvorišta Klanice. Vrijednost završenih radova prve faze prelazi dva miliona KM sa kapacitetom rezervoara od 250 hiljada litara a izgrađeno je do sada 16 kilometara transportne i distributivne mreže. Radi se i druga faza u dužini od 4,7 kilometara. Ovo je jedan od najvećih kapitalnih projekata Općine Centar kako bi se riješili dugogodišnji problemi navedenih naselja sa pitkom vodom.

Prijem izgrađenog vodovoda u sistem VIK-a još nije izvršen, postoje i najave da će se i stanovnici Poljina priključiti na vodovod Nahorevo pa postavljam pitanje jeli uskoro slijedi i prijem vodovodne mreže u sistem i upravljanje od strane VIK-a kao konačno rješenje u interesu građana navedenih naselja.

S poštovanjem,

Elvis Vreto
Zastupnik u Skupštini Kantona Sarajevo
Klub Naša stranka



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

ODGOVOR:

Članom 12. Zakona o vodama Kantona Sarajevo („Službene novine Kantona Sarajevo“, broj: 18/10 i 43/16) se navodi:

Pored objekata za iskorištavanje voda iz člana 14. stav (1) tačka 3. alineja 1) Osnovnog zakona pod vodnim objektima za vodosnabdijevanje u smislu ovog Zakona smatraju se i:

- a) kantonalni vodni objekti za vodosnabdijevanje; → Član 13. Ovog zakona daje definiciju
- b) općinski vodni objekti za vodosnabdijevanje; → Član 14. Ovog zakona daje definiciju
- c) grupni vodni objekti za vodosnabdijevanje; → Član 15 - Član 17. Ovog zakona daje definiciju
- d) lokalni vodni objekti za vodosnabdijevanje. → Član 18. Ovog zakona daje definiciju

Radi pojašnjenja i primjera, navodimo Član 14. (Općinski objekti za vodosnabdijevanje):

„(1) Vodni objekti za vodosnabdijevanje potrošača u općinama koji su izgrađeni sredstvima općina (u daljem tekstu: općinski vodovodi), a koji nisu priključeni na međukantonalni ili kantonalni vodovod, su u isključivom ili pretežnom vlasništvu općine.

(2) Cijena vode koja se isporučuje potrošačima iz općinskog vodovoda predstavlja ekonomsku cijenu isporučene vode utvrđenu posebnim propisima općine.“

Kako je naprijed navedeno, član 17. stav (2) Osnovnog Zakona, vlasnici vodnih objekata za vodosnabdijevanje, mogu pravo upravljanja i korištenja prenijeti na pravne osobe ustanovljene Zakonom o komunalnim djelatnostima Kantona Sarajevo ("Sl. novine Kantona Sarajevo", br. 14/16, 43/16, 10/17 - ispr., 19/17, 20/18 i 22/19), kojim je Članom 7. utvrđeno da Kanton obezbjeđuje obavljanje slijedećih komunalnih djelatnosti:

a) *snabdijevanje pitkom vodom putem centralnog vodovodnog sistema;*

b) *odvođenje i prečišćavanje otpadnih voda putem centralnog kanalizacionog sistema;*

Također, kako je utvrđeno Članom 9. (Obezbjeđenje komunalne djelatnosti od strane Grada i općina)

(1) Grad i općine u njegovom sastavu, kao i općine koje nisu u sastavu Grada, u okviru svog samoupravnog djelokruga, obezbjeđuju obavljanje slijedećih komunalnih djelatnosti:

a) snabdijevanje pitkom vodom iz vodovoda lokalnog značaja;

b) odvođenje i prečišćavanje otpadnih voda kanalizacijom lokalnog značaja, te crpljenje, odvoz, zbrinjavanje fekalija iz septičkih jama; kao i Član 10. (Davaoci komunalnih usluga)

(1) Kanton, Grad i općine, u skladu sa utvrđenim nadležnostima u čl. 7., 8. i 9. ovog zakona, obezbjeđuju obavljanje komunalnih djelatnosti putem:

a) javnog preduzeća komunalnih djelatnosti;

b) privrednog društva.

Dalje, u smislu provodivosti Zakona o komunalnim djelatnostima Kantona Sarajevo ("Službene novine Kantona Sarajevo", broj 14/16), na osnovu člana 50., Vlada Kantona Sarajevo je donijela Uredbu o opštim uslovima za snabdijevanje vodom za piće, obradu i odvođenje otpadnih i atmosferskih voda ("Službene novine Kantona Sarajevo", broj: 22/16).

U Uredbi je precizirano: Član 4. (Nadležnost Kantona, Grada i općina)

“Kanton, Grad i općine imaju obavezu da, u okviru svojih nadležnosti osiguraju uredno snabdijevanje vodom za piće, odvođenje otpadnih voda, prečišćavanje otpadnih voda i atmosferskih voda, prema postojećim propisima.”

i Član 5. (Finansiranje centralnog vodovodnog i kanalizacionog sistema)

“Građenje objekata centralnog vodovodnog i kanalizacionog sistema finansira se iz:

a) naknada koje se naplaćuju po propisima o prostornom uređenju i građevinskom zemljištu,

b) budžeta Kantona, Grada ili općine,

c) iz donacija,

d) i drugih izvora utvrđenih posebnim propisima.”



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

U cilju pravilne identifikacije nadležnosti, dalje navodimo :

Član 14. (Posebni vodovodi)

“Posebni vodovodi su samostalni objekti, postrojenja, oprema i vodovodna mreža, sa vlastitim zahvatom vode, koji služi za snabdijevanje vodom pojedinih lokaliteta, a koji se iz tehničkih ili drugih razloga ne mogu priključiti na centralni vodovodni sistem, te nisu u nadležnosti davaoca usluge.”

i Član 15. (Obaveze korisnika posebnih vodovoda)

“(1) Korisnici vode iz posebnih vodovoda moraju se priključiti na centralni vodovodni sistem nakon njegove izgradnje.

(2) **Prilikom priključenja na centralni vodovodni sistem, korisnik posebnog vodovoda je dužan postojeće objekte, postrojenja, opremu i mrežu posebnog vodovoda staviti van funkcije.**

(3) **Nakon priključenja na centralni vodovodni sistem zabranjeno je korištenje vode iz posebnog vodovoda.”**

ZAKLJUČAK PO PITANJU:


Preduzeće KJKP“Vodovod i kanalizacija” d.o.o. Sarajevo je nadležno za upravljanje i održavanje centralnog vodovodnog i centralnog kanalizacionog sistema, kao i postrojenja za prečišćavanje otpadnih komunalnih voda u Butilama – PPOV Butile, a što je utvđeno, pored navedenih propisa, i prostorno-planskom dokumentacijom Kantona Sarajevo. Svi objekti koji su građeni u skladu sa navedenim propisima, kao i prostorno-planskom dokumentacijom, priključuju se na odgovarajući, to jest projektovani vodovodni i kanalizacioni sistem. To ne znači “a priori” da to moraju biti centralni sistemi vodovoda i kanalizacije. KJKP“ViK” nije u obavezi, niti je kadrovski i materijalno osposobljen, da preuzima na upravljanje bilo koji sistem kojim se isporučuju vodne usluge a koji nije napravljen u skladu sa naprijed navedenim, odnosno, koji nisu definisani kao centralni sistemi. U toj kategoriji je i vodovodni sistem Nahorevo koji je izgrađen kao lokalni vodovod i za koji ne postoje tehničke mogućnosti da bude priključen na centralni vodovodni sistem, u skladu sa naprijed navedenim propisima, čime ne postoji zakonski osnov da bude preuzet od strane KJKP“ViK” d.o.o. Sarajevo. **Zapravo, u slučaju preuzimanja ovog sistema potrošačima se mora isporučivati voda iz centralnog vodovoda a postojeće izvorište za vodovodni sistem Nahorevo se mora isključiti iz sistema “centralnog vodosnabdijevanja”.** Ista situacija je i sa svim drugim vodovodnim ili kanalizacionim sistemima koji su građeni izvan kategorije centralni vodovodni ili centralni kanalizacioni sistem.

Shodno navedenom, KJKP“ViK” d.o.o. Sarajevo ne samo da nije u obavezi da postupa po zahtjevima jedinica lokalne samouprave, nego bi prekršio zakonske i druge propise kojima se obezbjeđuje kako pogonska sigurnost i održivost navedenih sistema, tako i sigurnosni aspekt isporuke vode, odvodnje i prečišćavanja. Ovo pogotovo treba razumjeti u kontekstu ekstremne bespravne gradnje na području Kantona, čime je narušena održivost urbane cjeline Sarajeva i kompletne infrastrukture, između ostalog i u sferi isporuke vodnih usluga.

S poštovanjem,

Dostavljeno:

1. Naslovu. 2x
2. Vlada Kantona Sarajevo, na znanje,
3. Evidencija,
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1